

Posjeta Hercegbosanskom kantonu i općini Livno

27.10.2016 11:52



Na teritoriji Federacije BiH u toku je realizacija jako bitnih projekata u okviru sektora zemljišne administracije. Posebno je bitan projekt „Registracija nekretnina“, koji se finansira kreditnim sredstvima Svjetske banke, a čiji je osnovni cilj usaglasiti katastarske i zemljišnoknjižne podatke u urbanim prostorima Federacije BiH. U okviru projekta vrši se i nabavka potrebne opreme za katastarske i zemljišnoknjižne urede te se time poboljšavaju radni uslovi zaposlenika sektora zemljišne administracije u Federaciji BiH. Jedan od kantona u kojem je posebno istaknuta potreba dodatnog angažiranja u realizaciji ovog i sličnih projekata je Hercegbosanski kanton. Upravo iz tih razloga direktor Federalne uprave za geodetske i imovinsko-pravne poslove Željko Obradović je 26. oktobra 2016. godine posjetio općinu Livno i Hercegbosanski kanton. Tom je prilikom razgovarao s predsjednikom Vlade Hercegbosanskog

kantona Draškom Dalićem i ministrom poljoprivrede, vodoprivrede i šumarstva Ivicom Brešićem. Sastanku su prisustvovali i predsjednik Geodetskog društva HB Ivan Lesko i član Upravnog odbora Društva Zdravko Prka. Nakon ovog sastanka direktor Željko Obradović održao je i sastanak s načelnikom općine Lukom Čelanom na kojem se razgovaralo o dinamici realizacije dogovorenih aktivnosti i planiranim aktivnostima za naredni period.